

蘭野詩存



蘭野士詩存

陳豪署簽



976670

光緒丙午仲春
之月刊於杭州



070070

序

嗚呼此吾故人養源觀察陳公之詩葆光其奚忍卒讀耶哲弟鑑
漚來書謂葆光校勘遺箸分別去留十分矜慎葆光亦奚敢不矜
慎耶葆光初識公時在如冠九方伯浙糧道幕公年少倜儻談吐
雄傑有不可一世之槩其爲詩清麗跳脫自然遠俗旣而游京
師使東洋情興所至俱託於詩以見志然不自愛惜隨手拋棄葆
光嘗北之燕鄴過津沽必訪公人事因循或見或不見見則必媿
媿談詩及兵備杭嘉葆光以屬吏見殷殷設舊交之位時詰經書
院襄校需人葆光舉南通州顧曾沐公欣然延之大加激賞愛才
若渴而從無一語及私歲時饋問珍旨雜選公固憐貧葆光未嘗
報貺也鑑漚云公在日本時黎蕤齋星使索觀近詩因錄舊作之
後半多當時倡酬之作星使仍以見還賴此以存爪印其前半不
可復得允豫等恐再散落是用付之手民藏之家街願吾子述先
兄欲然不自足之意允豫輩恐致散失之心非敢以之間世也葆
光聞其言而益悲夫以公之通達大體使於四方不辱
君命出爲監司虛己接人公而忘私使天假之年爲

蘭墅詩存序

一

國家固根本培土氣反亂爲治功業何可限量乃旣奪其壽使其
才不得展卽區區詞章之末亦必使之日就湮沒苟非哲弟輩抱
殘守闕不幾并叢殘之稿而亦無之耶葆光辱公知愛知己之感
故將之恩終其身不敢忘自顧廁身牧令垂老蹉跎公如尚存奚
由至此而今已矣鑑漚敦迫再三謂劖劖已竣專俟弁言葆光尙
何言哉爰述識公始末以復於鑑漚如此

光緒丙午九秋雲間故吏楊葆光謹撰

蘭墅詩存卷上

武進 陳允頤

不見

不見猶思黯自傷
記曾雙燕傍雕梁
三千里外頻回首
十二時中盡斷腸
試看楚天雲滅沒
應知京國月淒涼
姮娥不解離人意
故吐清光照我牀

京江寄內一首

行行看盡六朝山
賸有離憂未忍刪
千里相思勞遠夢
一燈獨對想愁顏
迴文欲織鴛鴦機
錦芳訊難傳翠羽環
天際歸舟應不誤
休將清淚滴成殷

中秋步月聞歌感賦

銀河澹蕩冰輪潔
瓊樓玉宇晶瑩澈
忽若身登天柱峯
憶昔


蘭墅詩存 卷上

夢游廣寒闕
紫宮洞開奏鈞天
鳳皇柱雜鴛鴦絃
湘靈鼓瑟韓娥舞霓裳
一曲仙乎仙自從
郢雪成絕調
遏雲誰伴洪厓嘯
海上何嘗有子春
淇西今已無王豹
遂使山謳與村笛
徵歌漫欲唾壺擊
巴人強解拍紅牙
商婦琵琶更淒絕
豈無弄玉會吹簫
恨不裝金貯阿嬌
漢殿未傳安世曲
唐宮枉唱鬱輪袍
吁嗟乎一年明月祇今宵
何如痛飲讀離騷

秋懷八首

流光如水思如山
長向秋風淚灑殷
歎息田橫埋海島
蕭條庾信感江關
沈吟獨漉篇
難釋近狀閒情賦
已刪別有憂時懷
古意臨淵敢羨白鷗閑

蟋蟀吟時百感生
少孤爲客竟何成
援琴徒爾思中散
懷刺曾誰識正平
丹鳳徘徊裊裊共
食黃鐘毀棄釜爭鳴
四方餬口



談何易買債將從負郭耕

咄咄書空寂掩幃十年心事總多違烏私生死皆難遂雁序
西東且復飛早歲自期范孟博當塗幸識謝元暉渭陽千里
頻遺問無忌終慚酷似非

回首京華幾度秋一時褻履儘風流卽今溷跡隨鷗鴛猶夢
浮查至斗牛若輩慣投黃雀彈故人盡做黑貂裘近聞星使
詞曹出仙侶徒思郭李舟

壯懷枉說枕琯戈擊筑聊爲燕市歌冀北羣空騏驥少淮南
木落棘榛多年華半入愁中盡喪亂頻從客裏過生返做廬
非不幸無端北望涕滂沱

太息西陲久苦兵北門又恐壞長城漢家未斬樓蘭使灞上
曾無細柳營自古和戎成下策而今誤國負高名書生扼腕

蘭墅詩存 卷上

二

誠何補悔不終童早請纓

不盡西風搖落悲閒將長笛倚樓吹秦川公子新羈旅燕國
佳人古別離漢塞白龍勞遠戍楚江黃鶴寄愁思秋來一例
應腸斷墮淚非關峴首碑

茫茫身世託哀絃最痛虛捐少壯年無計理憂頻斫地有時
搔首但呼天不俟枉自名飛將能醉何須定謫仙餓死等閒
奚足論達觀恐復類逃禪

十哀

近代惟公第一流後先伯仲武鄉侯三吳遺愛甘棠舍百粵
雄圖籌筆樓劍指鬼方謀漸戢旌懸桂浦寇幾劉蒼生無福
騎箕早么孽終爲社稷憂

林文忠公

誰將熱血灑盈腔地陷天傾隻手扛海內義聲創南嶽湘中

道脉溯西江九閩已閉心徒躍三戶同仇氣未降把臂文袁
游地下羅山並世竟無雙

羅忠節公

湖湘千里陣雲屯戰血元黃萬馬奔只有嫖姚眞將種能無
慷慨念君恩生時每碎張巡齒死日猶留先軫元過客至今
潯浦上朝聞喚鶴暮啼猿

塔忠武公

早向空山臥綠沈時危國士識淮陰渡江曾擊中流楫勸戰
頻分內室金保障百城憑赤手從容一死畢丹忱翦除銅馬
非難事無奈膏盲病已深

江忠烈公

方漢金湯失上游孤撐砥柱峙中流鼎湖龍去鬚堪挽鄂渚
鴻歸爪尚留赤壁兵屯連北固黃巾寇掃定南州中興耿鄧
皆人傑全局須公借箸籌

胡文忠公

星寒岳震鬼神驚萬里城隨一柱傾力掃欃槍清北極功存

蘭墅詩存

卷上

三

社稷比西平裏尸馬革原無恨墮淚羊碑別有情蛇豕卽今
紛薦食諸公誰復衛神京

僧忠親王

阿龍年少便超羣屢伏青蒲爲愛君雖復風流如白傅尙能
慷慨似朱雲請纓誓紀燕山績賜劔奚酬麟閣勛東市弓藏
終莫怨舞裙

勝宮保

歸漢王匡杖節征傭中佼佼鐵錚錚山豺虎困猶鬪京觀
鯨鯢築未成犀帳倒戈空舊部魚門落胄壞長城東南半壁
俱灰燼萬骨枯留一將名

張忠武公

駱公清德是人師飲水盟心 成廟知沉芷禮蘭都被澤巴
猿巫雁總銜思賢才盡入山公啟鎮靜頻彈謝傅棋錦里傳
聞頌易簣發言流涕尙憂時

駱文忠公

南宣旋旆駐西涼單騎巡師遇虎狼倏見大星沈渭北獨留

壯節繼睢陽身拚一死丹如炳骨返三年碧可藏回鶻未平
遺恨在那堪餘孽更披猖

張文毅公

秋日書懷卽簡陸二霖生趙二仲固四十二韻

燕市風高日蕭陵月落時舊游誰與共往事總堪思昔射蘭
成策頻蹇董相帷機雲津並躍孝禮馱齊馳擬奏大人賦能
工幼婦詞豪殊湖海氣清映雪霜姿顧獨舒青眼憐曾陷赤
眉許爲驥尾附似愛虎頭癡武庫膏盲癖文淵藥石規韋編
研屢絕弦珮感先施高誼眞雲薄清談竟日移驢偕騎灞岸
鯤想奮溟池同赴賢良選敢疑衡鑒私一枝慚郅詵再鼓負
鍾期慷慨唐衢哭蕭條宋玉悲西山遊乍返南浦送將離驅
馬梁園道停車漳水湄驚寒看雁陣墮淚誦羊碑大故膺胡
早鮮民死已遲白烏啼徹夜黃鶴忍題詩歸旆飄飄素征衣

萬壑詩存 卷上

四

盡染緇江山仍北固松菊尙東籬疾首吟蓑楚捫心拔菴菹
種楸王墓誓削竹晏楹遺濡筆摹孤憤挑鐙讀五噫枯魚河
畔泣神駿櫪邊羈地欲長房縮天教曼倩饑鮒原甘涸轍鴻
且漸中遠落魄家如寄披肝國可醫許身符稷契抗志在軒
羲鷓鷯翔猶待鷄蟲鬪旣疲紫騮呈宛極翠鳥獻條支爭逐
羸原鹿紛稽洛社龜入方萌反側九鼎卜安危秉鉞須師尙
鳴球失后夔宗周嫠恤緯祀晉傳圍棋吾黨徒訶嘯羣公孰
涕洟巢阿希鷺鷥問道儘狐狸惠子誠知我盧生莫笑伊瀛
鼈宜斷足穴豹要留皮葛廟蒼蒼柏商山采采芝 帝鄉當
有路人海詎無涯

挽陸編修丈

爾熙 四首

西風瑟瑟動江關玉樹凋零白日殷欲叩天閭訴眞宰爲憂

王室哭君山平生志事義軒上累世交親羣紀問回首京華
二千里令威化鶴幾時還

淒絕瀕危易簣時堂前二老髻如絲伯仁惟仗同懷弟叔夜
猶留在抱兒誰繼長康三絕業獨吟平子四愁詩黃公墟畔
他年過咫尺河山只自悲

猶憶連鑣入洛年聲華王後定盧前然黎早奏金門草持節
曾攀玉井蓮豈謂公明可治鬼竟教靈運遂生天憂時空灑
長沙淚一例驚心鵬鳥篇

爲傷吾道泣斯文交臂千秋竟失君大雅扶輪思庾信上方
請劍待朱雲早知長吉心當嘔劇悔君苗筆未焚風漠本無
科第分卽今誰復識劉蕢

青天行

蘭墅詩存 卷上

五

君不見咸陽一炬阿房灰建章三月柏梁災青天蕩蕩生塵
埃六龍欲去首重迴軒轅棄鼎荆山隈冠劍佩舄埋蒿萊西
陵歌吹聲何哀臨漳銅雀留荒臺千秋萬歲會有盡揮戈難
駐崦嵫景鵬血年年蜀嶺啼駿蹄咄咄崑崙駢瑤宮璇室徒
嵯峩金輿玉輦幾經過桐峯並撫皇娥瑟桂浦爭投織女梭
麗華委骨胭脂井子夜傷心宛轉謠因風試訊兩青鳥西池
王母今如何

贈周六丈

同設 二首

徙薪曲突計誰如魏闕當年早獻書忽漫相逢來白下依然
縱論陋黃初蛾眉傾國謠誠易燕領封侯相豈虛搢拄乾坤
吾輩事未容湖海氣全除

之子才宜貢玉堂不徒詞賦媿班張器經盤錯知虞詡志在

澄清識范滂碧海鯨魚原易掣丹山鳳鳥況難藏何時聞闔
千門闢高奏鈞天上帝傍

次韻會周六丈

卽今名士束高閣誰識文章重山嶽風流歇絕七十年藏園
北江安可作蛙鳴蟬噪比比是流傳徒貴洛陽紙惟君才學
識三長浩如渤海窺無底刺手力拔長鯨牙掉頭快割乖龍
耳扶輪期起八代衰追逐韓杜凌謝顏牛毛掃盡見麟角天
漿滿酌張雄談大鋪金鐘戛鳴擊會意差強頭石頑雷門布
鼓寔孟浪敢以培塿侔崇山吁嗟乎漢廷慷慨策賈生痛哭
空負千秋名豫章材大樛棟勝恨不早向侏般稱歲寒松柏
荒巖朋錯盤增益所不能萬里會有長風乘鳴鳳區區温子
昇雕蟲瑣瑣張伯英垂天兩翼南溟鵬飛騰一鶚官先登

蘭墅詩存

卷上

六

山有虎卻寄周六丈

山有虎野有狐夔魑白日游通衢龍蟠於泥鳳折翼驂駟乃
作轅下駒雲中黃鵠忽大笑人間得失爭歸駒莎鷄蕉鹿徒
擾擾井蛙禪蝨良區區浮雲蒼狗倏忽殊西州華屋今榛蕪
青簡未蠹白骨枯沈湘弔屈胡爲乎蘇秦相六國范蠡赴五
湖鳶肩烏喙誠非夫古今一邱貉同類愚公愚何必濫吹齊
伶竽何必長棄終童孺慷慨萬言策縱橫八陣圖不若置酒
痛飲黃公鑪中散鼓琴步兵嘯漸離擊筑誦烏鳥西山猿鶴
東門犬百年朝暮齊蟪蛄慎毋南走越北走胡宇宙側足皆
危途羊腸九折未爲險孟門劒閣起座隅欸段少游馬狹猶
博士盧蝸角蚊睫聊自娛寂寂終守揚雄廬

題惲夫人感懷詩後

百年嗣響女青蓮格仿簪花寫韻妍怨託湘絃悲別鶻淚盈
蜀紙聽啼鵲薈薇經雨添惆悵楊柳因風任起眠合倩徐陵
爲作序玉臺新詠與同傳

紅闌千外白桃花花下曾停七寶車萬種離愁金縷曲二分
清影玉鉤斜可無好句題黃絹尙有遺詩護碧紗悵絕芙蓉
城縹緲難將消息寄秦嘉

同聲賦作斷腸詞蘇蕙迴文未是悲遼海鶴歸聞笛怨秦樓
鳳去罷簫吹金仙豈有回生術玉女曾無續命絲九辯九章
歌楚些黃泉碧落兩難知

清才雅陋左家芬瀟灑能書白練袞柳絮新篇賡謝女蓮花
繡幔供元君詒殘絳樹仙人雪望斷蒼梧帝子雲曾向德公
牀下拜後堂可許見宣文

蘭墅詩存 卷上

七

韓叔起刑部以詩集見贈賦呈二百五十二字

先生矯矯人中龍睥睨四海蔑兩雄挾策徒步京江東凌雲
賦奏帝改容聲華隱隱何隆隆談笑已覺九宇空昌言氣吐
如長虹拔劍起舞舞橫崆峒馮唐郎署惜未逢鐵駝倏踏吳山
峯吁嗟當道無老熊甲兵十萬徒羅罽吾謀已矣終不庸冷
然蹀馬登閭風冥冥天際翔孤鴻離離禾黍迷故宮竭來白
下作寓公虎皮卓擁推儒宗說經直欲過馬融逸才何止如
蔡邕講壇坐席五十重高言大義鳴黃鐘賤子薄技慚雕蟲
斗山夙仰昌黎翁投筆不作吳門傭躍冶迺荷良工鎔宏編
雜誦三日轟汗流籍湜昭發蒙吐納元氣吞雲夢千巖歷落
欹長松斷犀截鐵干莫鋒粲列彝鼎鏘笙鏞瑤島遍插青芙
蓉齊州九點烟濛濛管窺錐指將奚從求之建安開元中

無題六首

六朝金粉未銷亡，聞道溫柔屬此鄉。
九曲青溪都有宅，雙成紫府獨無郎。
誰裝漢寢黃金屋，長傍盧家白玉堂。
楊婢太肥梅太瘦，目成只有杜蘭香。

不須江上怨琵琶，記否初逢萼綠華。
桃葉渡浮朱雀舫，荔枝橋駐白鸞車。
紅牙小妹同餐菊，碧玉芳年未破瓜。
曾幾何時頓陳跡，窺臣枉復學東家。

三度游驄陌上歸，莫愁堂畔掩重幃。
春聲慳慳聞鶯轉，秋思年年逐雁飛。
絳雪乍融邀玉女，彤雲斜倚憶金妃。
不堪歲暮懷人日，猶着當時白紵衣。

沈香亭畔黯無言，淚點霑襟間酒痕。
殘月曉風楊柳岸，淡雲微雨芰蘿村。
筵開玳瑁搖銀燭，曲度箏篔倒玉樽。
縱有千金

蘭墅詩存 卷上

八

賦難買佳期，枉自盼長門。

猶幸相逢未嫁時，羅虬休賦比紅兒。
紫簫雅稱才人侶，黃絹工題幼婦詞。
閒倚畫屏笑周昉，好留繡枕贈陳思。
當筵莫唱陽關曲，自古銷魂是別離。

來年擬泛渡江舟，重訪楊枝燕子樓。
只恐白榆迷北向，枉題紅葉怨西流。
金蓮踏盡應留恨，玉樹譌殘未遣愁。
射策蘭成今去也，鳳凰臺畔一回頭。

贈沈大昌守 五首

瘦沈文場舊有名，江湖載酒話平生。
曾携筆硯圖三輔，又檢琴書客四明。
宿草已埋鸚鵡塚，看花同到鳳凰城。
卅年容易頭將白，長劍爲君夜一鳴。

僻書應悔讀南華，辜負才名賦又叉。
排闥難窺温室樹，閉門

合種邵陵瓜閒棲鳳羽丹山穴遠產龍媒青海涯太息生材
無着處天胡此醉是非耶

早賦黃門感逝篇秋墳夜雨泣年年羅襦舊繡三千字錦瑟
新彈五十絃欲斷大招歌玉樹別題小集號金荃如何一枕
遊仙夢茂苑魂歸化作烟

回首新亭涕乍收眼看滄海要橫流蝨猶解念阿房賦鬼竟
能爲故社謀楊僕已聞飛戰艦何稠漫欲造迷樓天荒地老
尋常事對此茫茫感未休

枉盼扶桑旭日昇撇天螻蟻忽飛騰曾無鐵漢投荒徼可有
銅仙哭茂陵抗疏蘭臺思博士抽簪蓮社羨高僧一般憔悴
行吟意擬反離騷僕未能

星異感賦

蘭墅詩存

卷上

九

上帝深宮醉不醒玉眞金母降瑤庭蜃吹東海霞標黑鶴唳
西山日色青五里漸看迷薄霧一杯聊舉勸長星少微已隕
中台暗太乙神光近夜暝

西師出關

太息西人久苦兵捷書昨始報神京新聞上將籌邊策縱令
諸軍出塞行葱嶺雪深無馬跡榆關月落有雞聲裏糧千里
談何易况復東甌未請成

宮怨和郭同年

福衡

顧影休矜絕代姿翻雲覆雨兩難知阿嬌曾貯黃金屋待罪
長門又一時

出塞琵琶劇可憐勝他同輩受恩偏宮中縱殺毛延壽執扇
秋來也棄捐

一般羅襪步香塵誰道凌波只洛神多謝陳思猶作賦五官
已幸郭才人

梅花驛騎荔支塵底事環奴妒采蘋偷嫁汝南休怪早上陽
白髮幾人新

前作意有未盡復成四截

石華廣袖唾痕新赤鳳來乎姊莫嗔若謂紅顏都命薄昭陽
第一是何人

江令詩成弔館娃臨春復唱後庭花滿宮學士無顏色只合
專房寵麗華

絳仙進御錦帆舟便詔新螺十斛收慙絕寶兒殊不妬也携
金盃上迷樓

思偷靈藥月中奔去去難忘往日恩盼到羊車重過幸玉兒
蘭墅詩存 卷上

十

終不負東昏
披闥引

東皇朝御披香殿金如夕赴瑤池宴會真鸞駕何控匆饗帝
雉羹獨婉嬖三枚火棗靈簫携一尺冰瓜方朔獻雲漿貯甕
霞流杯霓裳飛去風吹迴投壺玉女笑口開鈞天奏罷天容
頽酩酊十萬八千歲義和頓轡不敢催吁嗟乎下界黔黎苦
欲死碧翁行樂乃如此披闥我有書一封稽首拜上明光宮
請除虎豹當關雄分遣三十六燭龍巡行九宇臨八鴻幽隱
畢照呼吸通丁零顛頊詔祝融寒燠宜協陰陽中鞭笞列缺
驅豐隆斧鉞罔或奸元功不周柱底囚共工蚩尤旗落鉤陳
空蝦蟆敢啄雙睛瞳淫虹雌蜺逃無蹤二氣爲炭萬物爲銅
澤以馱雨扇以馱風三時不害豐年豐四海無復窮民窮倘

用臣說回宸聰樂且靡極誰則恫不然乾坤滲漏久補苴枉
費匏媧手鼇翻軸折靈臺傾造化小兒亦何有

有感六首

不堪回首憶當年披髮排闥擬叫天已見銅駝投棘莽又聞
石馬吼烽煙汾河淚落明皇雁蜀道魂歸望帝鵑一炬咸陽
猶未熄遽摧炎景墜虞淵

誰挽龍髯捋虎鬚延秋門外有啼烏補天待鍊媧皇石益地
爭呈王母圖黃竹譟聲喉欲裂蒼梧淚點眼宜枯共驩未捕
共和杳折檻何人請屬饅

天關虎豹亟驅除斗極騰芒轉帝車微管典軍無白下安劉
決策有朱虛慨從正月繁霜後盼到重霄旭月初招討勛名
留守力千秋論定竟何如

蘭墅詩存 卷上

十一

夾輔親賢啟中興獨留遺恨泣昭陵甘泉傳捷嗟何及宣室
陳辭問可能顧命未忘憑玉几流言不信發金滕新聞上相
黃扉闕終盼元公亦寫登

炎統重恢赤伏符桑榆非晚况東隅冊助天府逾方召畫像
雲臺斬賈吳耆定武功三代並丕承文命九州敷周宣殷武
尋常主願拜昌言進典謨

負展初成王會圖東鷄西鯀盡嵩呼旅葵通道謀難測越雉
陳庭事莫須三百虎賁齊脫劔 九重龍袞獨援弧折衝樽
俎談何易全局宜防一著輸

讀史感賦九首

上陽宮接集靈臺紫幄丹扉伏蕩開玉樹譟風江令筆金莖
承露馬卿杯夢回錦帳獨初去漏盡銅壺鳳又來奏罷鈞天

天亦醉竟忘七鬯有驚雷
霓旌豹舄翠華輿投匭誰陳諫獵書燕啄慣携張放彈龍游
詎免豫且魚紅綾十丈梨園擲墨勒千封桂殿除聞說延年
工協律滿宮學士盡鈔胥

浹陽天妹早來嬪雜事何須衍祕辛永巷脫簪方待罪後宮
同輦竟何人譁傳曹壽來宣曲豔說馮憐列下陳破費聘錢
三百萬微聞許史悔聯姻

未央殿裏夜如何長樂宮中卽事多許嬪貽書通北苑宓妃
留枕贈東阿梨花深院閒吹笛芍藥芳池醉脫鞵博得貴人
開口笑纏頭又賜鏡新磨

咫尺臨春貯麗華豹房底合便稱家銜殘竹葉羊車香催放
花枝羯鼓搥三殿投壺希玉女九門傳箭失金吾拋毬擊劔

蘭墅詩存 卷上

三

尋常戲斷袖云何癖嗜痴
不須一炬惜阿房還擬千門起建章戲馬臺高臨細柳射熊
館近接長楊空懸金鑑隋仁壽誰報銅鐘漢景陽回首永安
宮裏事惠陵遺恨忍全忘

卜式由來善牧羊漢家故事重貲郎驚看木柿方流下獨領
花缸進御忙魏帝廟前焚老柏商王殿角產祥桑天崩地坼
嗟何遽一霎昆臺弓劍藏

當年歌舞出平陽爭羨邯鄲挾瑟倡力士潛蹤窺月府念奴
伴宿竊霓裳驂鸞易覓無生法搗兔難傳不死方椒殿風來
環珮寂祇餘斑竹淚千行

那堪重唱鬱輪袍待撥鴟絃首屢搔海澗潛英空有石津枯
恤育已無膏侍臣此日舐龍鼎中使何年獻鳳槽擬取阿蠻

支臂進涼州按罷泣紅桃

賦呈沈年丈秉威二首

十載金華殿裏人建牙能作萬家春鳳麟信是天中瑞蟻蝨庸非地上臣太息南宮徒射策側聞東海又揚塵學磨盾鼻思傳檄羞作梁園後至賓

通家孔李溯從頭索句邀登八詠樓青眼汝南逢月旦元談江左嗣風流終留駿骨金臺市難得珊瑚支鐵網收萬戶侯封定何日揚眉幸已識荊州

楊年丈榮緒挽章

先公同譜幾人在太守清名冠越州文字因緣傳日下湖山管領足風流忽聞遼海歸丁令定卜羅池祀柳侯太息使星同歲隕兩迎素旆拜江頭馬雨農學使亦以是年卒於任所

蘭墅詩存 卷上

三

聞暉中丞世臨入祠湖南名宦喜極感賦

中丞雅負當時望素履清標海內傳胷有甲兵推武庫囊無薏苡謗文淵十年只作安吳計五日曾成屈卍篇衡嶽雲開碑屹立墓門遙望草芊芊

贈徐州鑣客三首

力拔鯨牙氣食牛平生肝膽託吳鉤待清紫塞酬明主便隱青門作故侯掉臂慣行豹虎窟煎膠曾上鳳麟洲虬髯客老中黃死近日功名讓沐猴

聞道天山早挂弓長令閒處老英雄淹中昔有雕龍辯泗上今無屠狗風悔作西池青鳥使擬從東海白猿公頭顱如許心猶壯下馬依然氣似虹

不羨圖形上紫光何須校獵到長楊千秋得失爭蟻蝨一醉

尋常典驪驪仗策南山招霧豹懸弧北斗射天狼元龍豪氣
除難盡一任狂奴笑我狂

和史蘭畦觀察重游泮宮詩

代馮年丈作

斗山自昔望巍然者舊風流海內傳南極壽昌天錫嘏東方
矍鑠地行仙瑤池鶴算三千歲壁水鸞旂六十年此是藝林
真盛事熙朝新語合重編

當年五馬莅炎陬童穉歡迎郭細侯召父循良聞列郡文翁
治行冠方州彎弓擬射潮江鱣賣劔爭求渤海牛梅嶺桂林
生廟遍策勛銅鼓最高樓

五朝人物四方師不獨韓碑繫去思無計能攀南海住有文
休向北山移道傍侍 輦垂黃髮邾下牽衣盡白眉前度元
都花又發何須商嶺更餐芝

蘭墅詩存

卷上

十四

蘭成射策記年時卯角真慚國士知初識長源纔舞勺頻從
安石看圍棋賞心秋月題黃絹回首春風隔絳帷鵲盼瓊林
重與宴濡豪載和紀恩詩

紅梅舟次寄內二首

香肩斜倚玉闌干絮語渾忘翠袖單夢裏歡娛醒轉悔別時
容易見良難寒宵月柝聞應悻昨夜雲鬢料未乾萬種情懷
無可說一言珍重勉加餐

碧海青天無限情腸迥仄仄涕盈盈濤驚浪駭卿憐我雨怨
風淒我憶卿鴻雁不來家萬里魚龍未醒夜三更挑燈握管
沈吟久悔覓封侯早請纓

錫蘭古寺作

談何容易到西天入手欣緡貝葉篇龍漢劫餘開世界鴻泥

印遍悟因緣青鸞一去無消息白馬重來有歲年塵海茫茫
情海竭回頭我亦欲逃禪

蘭墅詩存

卷上

五

蘭墅詩存卷下

武進 陳允頤 養原

東游

言旋歐土甫經年忽漫浮查到日邊濯足滄溟驚海若縱眸
寰宇渺齊烟秋津浩蕩疑無地富嶽恢奇別有天南望中山
北平壤我思王會一怦然

壬午九日黎蓴齋節使置酒高會於東台座有江戶諸
耆俊賦呈長句

偶隨車騎涉林臯賓主東南盡俊髦兩戒河山無絕徼一家
胡越有同袍忘形欲脫參軍帽遺興聊題刺史餽憶自慈恩
憑眺後又從海外賦登高

九日和小野湖山韻

蘭墅詩存卷下

停驂上野賦清游柳陌蓮塘景物幽北斗觚棱勞想望東方
裙屐自風流已欣佳節成高會更願明年集此樓四海比隣
吾道合何須苦憶故園秋

咏菊

九秋風物定如何百卉飄零付逝波留得一叢幽豔在籬邊
分照夕陽多

不須重築晚香堂瘦骨嶙峋自耐霜此是天公有深意故標
清節傲花王

持螯擷取落英餐吟徧新詩倚徧欄料道黃華應笑我年年
重九客中看

插帽歸來日影移抗風把酒憶當時世無陶令誰眞賞獨立
霜天有所思

題長谷川判事官舍

巖峩伊勢削雲根蒼翠迴環五畝園吟嘯北山探勝境平反
東海啟高門訟庭草長魚吞網別墅花開鶴避軒堪羨幽居
容隱吏莫嫌廷尉簿書煩

贈莊大吉雲五首

巖助才名滿上京掉頭片葉泛滄瀛雲霞變態詩千首風月
平章酒一觥漫擬入山招隱豹何當橫海翦長鯨丈夫豁達
襟期在肝膽原知不易傾

軟紅夢醒鳳城邊根觸前塵一惘然陸氏機雲同絳帳王家
徽獻共青氈獨嗟故舊晨星散長念交親淚雨漣底怪華年
如逝水要知海水卽桑田

年來浪跡慣離羣異域何期更識君海近扶桑波盪日崖開

蘭墅詩存 卷下

一

析木氣凌雲輜軒自昔詩應采筆硯從今例合焚願請長纒
歸賈誼莫教翰墨策殊勛

讀罷山經注水經船脣馬足幾曾停隄畔前朝月漢使
查邊上客星縮地風輪輕萬里垂天雲翼擊重溟東魚西鳥
關興廢何用然犀燭窈冥

狂瀾誰復障東流手抉齊烟一放眸日麗葦原天啟宇風來
蓬島地迴舟羨君游入逍遙界愧我才分上下樓好紀大荒
成實錄笑他曼倩說神州

得吉雲和詩重疊前韻

班張辭賦壯都京三峽懸瓶瀉四瀛玉塵頻揮談娓娓瓊箋
屢疊句觥觥吹簫橋畔曾騎鶴植盾津邊好釣鯨收入奚囊
成傑構一回擊節一心傾

漸遠長安近日邊登山臨水思悠然拈題禁體聊催鉢縫險
偏師擬裏瓊香島四圍青作障劍池一曲碧分漣此間便有
濠梁趣何必江鄉二頃田

有酒何妨醉鄭羣買絲爭繡玉華君花開綺陌霏紅雨柳折
旗亭唱白雲越絕遺編應可補秦餘故籍惜重焚他年篋底
留詩史天祿先書第一勛

春坂秋津次第經每逢佳處筇輿停西園雅集邀吟雪東井
文芒應聚星世界三千同蜃市搏搖九萬極鷗溟羽儀王國
儒生事莫弋孤鴻篡杳冥

銀漢無塵璧月流似君詩格豁吟眸清才已奪張王席仙侶
誰同郭李舟屐齒痕留伊勢嶺觚稜夢繞麗譙樓歸裝何止
千金價錦句瓊篇滿十洲

蘭墅詩存 卷下

三

次韻和吉雲時正卧病

瘡我頭風一首詩功成草檄勝拳旗挑鐙展誦衾全褪擗管
酬吟枕半欹獨長騷壇劉夢得慣眠鷗舫陸天隨何當同上
蓬萊頂掇錦坊前看水嬉

前約吉雲偕游土野因疾不果詩以報之

看山有約負明朝爲謝印須我友招杖策尙嫌腰腳軟據鞍
漸覺肉髀銷淒涼客邸星辰夜轉輾文園風雨宵僕病未能
君莫笑清遊原要福堪消

吉雲以詩訊疾次韻奉盒

一病經旬藥裏頻勞薪未許乞閒身偶思鄉味逢吳客爲覓
靈方問越人夢醒梅簷遲索笑詩來蘭室忽回春宿痾賴有
新篇療七發重披厭已陳

吉雲擬以嘉平既望移寓江戶是日風雪大作疑其不
復首塗薄暮走訪則已行矣追贈二律卽以代簡

交到忘形略送迎無端小別不勝情雲萍異地憐同客風絮
彌天念獨行此去灞橋詩恰就重來梁苑賦宜成嗤余案牘
勞形甚屢負閒鷗野鶴盟

相逢傾蓋亦前緣歲序驚心又一年絕域風霜侵短髻良時
日月着先鞭延賓枉掃留徐榻乘興還浮訪戴船料得圍爐
清詠罷詩筒正擬付郵傳

和吉雲寄懷原韻

雪泥無復印痕留來本飛行去自由營壘笑他雙海燕隨波
羨爾一沙鷗詩吟柳絮頻賡韻書寄梅枝速置郵咫尺尋春
游屐礙幾時聽雨又西樓

蘭墅詩存卷下

四

得黃大吟梅和詩再疊前韻間移序次以就章法

蹤跡東西判二京同舟依舊隔重瀛鹹酸合味梅調鼎歲月
驚心柏泛觥忽聽丹山啾颺鳳直從碧海掣奔鯨論詩應下
涪翁拜萬斛源泉匝地傾

舊誼通家溯紀羣父書能讀我輸君遙天共浴咸池日異地
爭留泰嶽雲櫟社十圍慚偃蹇柯亭百尺惜焦焚激清宙合
茫無涖麟閣徒標丙魏勛

無端滄海又重經博望查前許暫停帶水盈盈黃浦月斗杓
灼灼紫垣星曾從南極通西極還自東溟溯北溟萬里梯航
王會關堅冰未合返窮冥

捧日心懸霄漢邊昆明防有劫灰然域中逐鹿紛張幟海上
看羊慣咽醴剖竹瀛壖嗟荏苒伐檀河水笑漪漣馳驅感激激

原非偶悔擲躬耕梁父田

伊誰砥柱峙中流攬轡三山枉縱眸自古補天猶有石卽今
濟世竟無舟六韜鈞罷宜投網五鳳修成獨倚樓聞說仙人
游戲處輕彈粒米失滄洲

文昭院歌

借莊大吉雲藍大華軒同作

佳哉殿宇何鬱葱壁窠巨榜懸當中雕楹畫壁燦丹碧石鐙
鐵塔排疊重上書某某敬奉獻列侯班秩分庫崇入門躡級
思騁步翦翳不辯蹊西東頭陀磬折作鄉導禪房花木曲逕
通古梅百本守宜鶴長松千尺盤如龍前有經堂課功德華
嚴法界裝金容後有丙舍極奧窮綠垣錮以南山銅銅山高
高石柳下是誰於此營幽宮諸君淹雅練故實稽國核典敷
始終云是將軍德川氏六墓藏魄期無窮當其手柄太阿曰

蘭聖詩存

卷下

五

洗兵早挂扶桑弓振興文教二百載聲施表海跨源豐九州
鼓鑄易易耳何妨壑谷羅歌鐘吁嗟霸業頓銷歇一坏徒爾
留穹窿日光已非湯沐邑雲初安得尺寸封縱未鄧家金穴
盡先看楊氏冰山鎔我聞此語三太息忽然一笑舒雙瞳君
不見祖龍初作驪宮役銀鳧玉象侔神工狐鳴篝火揭竿起
牧奴一炬咸陽紅又不見阿瞞疑塚七十二分香賣履眞奸
雄漳河水涸櫬仍毀鄴城事去臺旋空華林銅駝卧荆棘昭
陵石馬嘶烟烽西蜀獨留丞相廟錢塘有觀名表忠營邱正
首委墟莽樗里薄葬甘蒿蓬賢達自有不朽在借箸易地將
毋同此邦健者指堪屈崖開析木英靈鍾武州死義惜平相
湊川歸骨哀楠公諏訪湖邊沈夜月桃花坂上弔春風四姓
圓亭容走鹿舊京陵寢喚孤鴻于秋得喪全黃壤萬事榮枯

聽碧翁滄桑變幻直游戲陳跡何須歎逝涼

紅葉館卽事詩 并序

癸未元宵後一日余就紅葉館張讌延致日士中村敬宇宮島栗香而莊大吉雲楊大星吾梁大縉堂張大導岷謝二芷泉藍大華軒劉大子眞羅大寶森同時並集諧談間作賓主極歡妙舞忽陳清歌徐度栗香與吉雲卽席聯吟屬余續之得本來天地是浮漚句歸復足成二十七截以紀當日情事云爾

本來天地是浮漚何處蜻蛉着此洲石火光中留泡影人生能得幾春秋

春秋非復我春秋對酒當歌總莫愁九十韶光容易過要題紅葉早登樓

蘭墅詩存 卷下

登樓極目海東頭釣罷珊瑚且放鉤不作山中高士卧掃開

三徑望羊求

羊求難得芥鍼投入座飛觥手點籌旨酒雖無庶幾飲一觴

一詠自風流

一觴一詠自風流香茗頻斟碧玉甌萬斛源泉隨地湧新詩

幾什袖中留

留將詩卷壓滄洲黃鶴誰題最上頭詠雪篇成多擱筆韓潮

蘇海一齊收

韓潮蘇海一齊收送別汪倫句最道東閣梅開懷水部還思

叔度在西洲

西東踪跡任淹留一例身如不繫舟雁羽差池魚腹杳祇餘

蝴蝶夢莊周

周原似蝶蝶非周一任逍遙汗漫游鴻雪因緣隨處證十年
夢早醒揚州

揚州烟月賽江州濕盡青衫有淚流新詠範模元白體清游
命嘯阮嵇儔

阮嵇曾入竹林游擊鉢分題互唱酬少女色絲誰解得輪三
十里愧楊修

修阻何論山海陬參軍蠻語解鈞鞬五噫只合梁鴻詠莊嶽
何人教楚咻

楚咻教罷學齊優公子歸來燕燕愁成句一曲銀箏彈未罷秋
波時盼富平侯

秋波乍矚富平侯錦瑟佳人轉雪眸絕似穿花雙蛺蝶謝郎
豔福幾生修

蘭墅詩存 卷下

七

修月誰將眉史修一枝畫筆擅營邱人間尚有藍田叔點綴
桃花肯便休

休休只合怨西流枉上元龍百尺樓撥盡鷓鴣絃愁欲絕比紅
兒莫唱羅虬

虬髯客褻太原裘消盡填胸萬古憂十二金釵分左右無功
眞作醉鄉侯

醉鄉侯識伯倫不佳釀何妨吏部偷夜典金貂朝典馬攜瓢
且上謫仙樓

樓頭絃管四筵秋樓外松篁萬壑幽綠萼華開紅萼綻師雄
還擬夢羅浮

羅浮翠羽自啁啾叫轉春光眼底收雛鳳會歌鸞會舞徐娘
教曲擅風流

流水華年去不留人間何處是丹邱
破開且看紅雲舞遣興
聊聽白雪謳

謳聲時繞畫梁流
嚶嚶春鶯百轉柔
乍見綠珠迴粉面
又聞絳樹轉珠喉

珠喉宛轉引笙篴
微暈酡顏半掩羞
最是撩人腸斷處
下場一步一回頭

回頭一笑儘魂勾
雲母屏風蜀錦幃
咫尺紅牆偏隔斷
相親不及水中鷗

鷗鳥忘機狎鶯鶯
尊鱸鄉味憶還不
博山爐幾成烏有
斗酒眞宜與婦謀

謀生爲拙稻梁謀
投筆聊乘東海桴
弱水尙容舟楫渡
相期攜手上麟洲

蘭墅詩存 卷下

八

麟洲幾度長松楸
滄海桑田不自由
夢入華胥餘一笑
本來天地是浮漚

春雪和栗香用東坡韻

風搖萬木噪寒鴉
路斷尋春油壁車
詩什篇篇賡柳絮
硯池點點落楊花
階前成壁梁王苑
帳裏銷金黨尉家
擬作聚星堂禁體
不工白戰手徒叉

讀梅村琴河感舊詩賦成十律

懊惱曾歌決絕詞
拈來紅豆劇相思
畫船何處迎桃葉
綺陌誰邊折柳枝
秋燕辭巢猶斂羽
春蠶作繭尙餘絲
夢回酒醒愁如織
腸斷琴河夜雨時

非關容易別盧家
插羽書來博望槎
尺幅沈瀾珠有淚
片詞珍重玉無瑕
錦帆助我東風便
銀箭催人北斗斜
一飯胡麻

猶未熟蕭郎從此卽天涯

勞燕西東各一天層城消息總茫然
驂鸞枉祝慈悲佛騎鶴終成縹緲仙
雪嶺未歸懷絳樹火坑易墜惜青蓮
懸知倩女離魂日不在梅邊在柳邊

雲雨荒唐事有無鳩媒誤汝鳳將雛
漫誇韓重堪佳婿浪說羅敷念故夫
九曲洞房春旖旎一燈漆室夜模糊
登臺縱抱摩笄痛宛轉難忘阿母劬

盼盼樓頭燕燕孤前塵眞悔失東隅
三升枉種藍田玉十斛難償碧海珠
姑惡喚時聲歷歷子規啼處泣呱呱
典釵爲買金錢卜檢點衣裳到五銖

慵髻啼眉淚眼枯鏡中人改舊顏
朱雕籠日暖囚鸚鵡疏閣風淒叫鷓鴣
青女何緣逢素女紫姑幾世遇黃姑
押衙已死無雙老空向天邊盼雁奴

蘭聖詩存 卷下

九

年時蘭楫泛荷塘話到將離淚數行
粉箴記描雙蛟蝶羅襦偷繡兩鴛鴦
忽聞蜀郎文君寡眞見秦樓簫史殤
他日鬱金堂畔過那堪還問舊雕梁

重返香巢碎鳳笙獨留片石記三生
早知衛玠應看殺底許繁欽賦定情
欲證臂盟憑月姊要傳心事託雲英
尙湖花發春無賴擬寫瓊箋寄玉京

咄咄還將負負呼玉釵恩重未容辜
青驄一別音塵杳黃鶴重來景物殊
神女江邊攀杜若故人山上採蘼蕪
烟波尙許扁舟渡願逐鴟夷泛五湖

鸞鏡何當合樂昌裝成金屋若爲藏
飄零白羽歌王令惆悵斑雕嫁陸郎
一寸相思情脈脈百端交集感茫茫
藍橋咫尺

天風惡搗盡元霜玉杵忙

無題八首

霍女門楣崔女箱洛陽顏色壽陽粧
玉臺乍下温家鏡璫闌
重分賈氏香咫尺紅牆迷蛟蝶尋常碧沼戲鴛鴦
天台有路桃源近未必劉郎勝阮郎

經時心緒亂縱橫投蓋能忘割臂盟
赤鳳飛來愁欲絕金龜
嫁得夢難成春風燕子樓頭去
夜月狸奴屋角行如此執鞭
眞不惡笑他卻扇太無情

門外驪駒陌上驄衣香人影兩匆匆
回身碧玉憐歡子饒舌
黃衫唱惱公此際最難爲樂廣幾生修
得到秦宮注池大索
龍媒杳何處重尋雙角童

記從洛浦識驚鴻窄袖蠻韉錦袖紅
舌嚙鶯簧歌溜雪腰圍

蘭墅詩存 卷下

十

鶴警舞旋風半迴粉面窺瓊樹
一暈朱顏握玉葱聞說夜深
花解語採蓮曾入館娃宮

不須題葉怨西流早見東家娶
莫愁燕寢未妨容射鳥鵲橋
應許渡牽牛阿嬌忍謝黃金屋
簫史羞登白玉樓只要鸚鵡
長比翼好迷眞悔詠河洲

彩鳳隨鴉事莫須幾時合浦竟還珠
平頭擎履思盧女纖手
分裙念霍奴一曲離歌朝射雉
三更殘夢夜啼烏東方千騎
人爭羨誰說羅敷自有夫

雙棲已失舊雕梁門巷依稀王謝堂
小別赤虬思一妹大難
白馬遇三郎當初奔月拚辭羿
從此行雲嬾夢襄腸斷九迴
愁萬縷錦機空復織流黃

河梁折柳首頻搔東去西飛感燕勞
犬子有琴彈蜀邸龍君

無札寄湘臯漫從花下誇秦贅爭向桑間唱董逃青鳥莫逢
丞相怒豔歌唐突鄭櫻桃

長歌贈栗香卽題養浩堂集後

長風萬里吹驚濤送我來釣三山驚珊瑚鐵網打不盡掀翻
丹穴鸞鳳巢栗香太史東方髦人中魁桀詩中豪世守韋賢
篋家藏呂虔刀蘭成始射策士雅行登朝正喜毛義捧官檄
又從穰直授戎韜當年奧羽用兵日煙塵涸洞森霜飈絕裾
異温嶠投筆同班超縱橫當道老巖卧蕩決臨陣闕虎哮魯
連卻軍獨辭賞馮異報國羞言勞圖形何必鄂與褒馳書要
用乘與臯卽今河海幸清宴日出爝熄機槍銷吳宮榛莽昔
走鹿魯泮芹藻今懷鴟廷臣爭薦馬卿賦士女解誦王淵籟
鶴監修書借玉斧龍池得句賜錦袍從容臺館譽鵠起眼看

蘭墅詩存 卷下

十一

東海千門高雙修福慧至此極填胷塊壘應全消盱衡宙合
獨深念環球五部橫流滔親仁善隣國之寶輔車唇齒宜漆
膠敦槃揖讓美胷豹縞紵投贈到札僑長言詠歎晏球石鏗
鏘咸獲鳴雲璈手編詩史進九陛口傳新詠徧百僚吟弄月
露本餘事根菱忠孝祛淫佻胚胎漢魏禰唐宋範樞雅頌規
風騷璇淵九派瀉靈府瓊漿一勺傾天瓢碎匄雷電條風雨
迴翔鷓鴣潛虬蛟歐鑪百鍊燦千莫崑圃萬仞羅珉瑤黃河
導源落宿海朱瑟流韻撞蒲牢斬斬已成獨麟角紛紛盡掃
千牛毛山陽不作管梁逝登壇拔幟誰歟翹黃森湖敬六七
作能辨涇渭淄澠淆生才那可斗斛計直以後勁凌前茅我
輸何止三十里棄甲早擬華元逃尖义竭蹶鬪坡老競病佶
屈賡敖曹力能扛鼎笑烏獲意欲焚硯從君苗論文李杜得

眞訣入林安秀期久要雲龍上下勉迫逐僵如籍湜寒如郊
韓碑柳雅有述作帝所催奏鈞天韶郎署肯放馮唐老草亭
漫解楊雄嘲知君夙勵大夫羔願君早珥侍中貂溟鵬奮翼
搏扶搖主盟壇坵麾節旄弋永戢彤弓弨舟楫旣濟鹽梅
調然後拜手稽首明良喜起颺夔陶不然鑄金鏤玉大書深
刻銅柱扶桑標胡爲一編日手昕宵矻矻然蘭膏摹天繪地
心肝嘔出窮劓雕嗚呼此意何蕭條拔劍起舞狂歌爛醉且
盡尊中醪

栗香令子年十五能詩解中語賦贈長句

爲君援筆賦驕兒美好眞宜匹衣師舌本雙聲清似鳳頂紋
一角斬如犀問年正射蘭成策開卷長吟杜老詩此竈談何
容易跨行堪選駿到注池

蘭墅詩存 卷下

三

敬字以文學誌見贈賦詩報謝

妙筆高文萬口推東來正悔執羔遲忽聞廣樂鈞天奏并採
巴人下里詞國有顏淵君殆庶世無韓愈我誰師褒題一字
榮華衮學步邯鄲愧曷支

小野侂叟以湖山樓十種見詒賦詩報謝卽次七十自

祝原韻

海網珊瑚枝欣得寶雷門布鼓敢辭嗤拓胸我愧陳同甫尙齒
君逾韓退之十種詩成堪白壽百年論定竟誰知錢鏗未老
搏尤小奚事藏舟夜壑爲
年時選勝復探幽天自蒼茫地自浮落落古今三不朽休休
身世百無憂早醒杜牧江湖夢聊作盧敖汗漫游一語語君
君記取要憑隻手障東流

長岡公使招飲未赴書來邀入亞會詩以報之

海外論交亦大奇不圖顧曲遇鍾期
識荆眞悔通名晚慕蘭何妨入座遲
旗鼓當前無勁敵敦槃從事有餘師
開緘鄭重情如揭欲報瓊瑤進一辭

早持蕩節涉西洲勝算全憑借
箸籌抗疏營平留上策出奇曲逆悔陰謀
側身悵望三千界隻手期安四百州
層齒輔車君莫忘同文便合詠同仇

次姚子樑韻

瑰磊填胷不易銷高陽徒侶手頻招
漢廷奉使皆蘇武秦國謀人幾繞朝
肝膽輪困惟自許鬚眉戟磔本難描
雲臺烟閣男兒事羞珥金張七葉貂

九宇無塵萬物春風光又是一年新
江關鶯燕愁無主海國

蘭墅詩存 卷下

三

鯤鵬要有人絲竹謝安聊遣興丹青
曹霸與傳神我生位置由天定寥落
無爲歎不辰

置酒餞吉雲侑之以歌

昔君翩然來對我懷抱開今君灑然去
嗟我向誰語去來飄忽胡迺如飛鴻
追逐逐上下安得爲雲龍掉頭長揖
揖東海東驪歌聲震馮夷宮人生離合
無憑準風中團絮波漂梗卽今五部共
一家客星時泛支機槎朝攬扶桑轡夕
舉瑤池鞞鯤溟九萬任搏搖蜃市三千
儘游戲矧君熟讀逍遙篇漆園薪火留
眞傳摩穹黃鵠忽軒舉鴛鴦笑樊籬
邊鷄蟲擾擾良堪憐蜉蝣撼樹奚怪焉
與君試望蓬萊島二山誰擷瓊芝草
與君試涉蜻蛉洲一網打起珊瑚鉤
眼看滄海將成田萬古況有冤禽填
鼇足可截犀可燃弱水咫尺杭樓船
恨不隻腳蹴

倒昆侖巔雙手抉破齊州烟援弧命中九輪匿景沈虞淵鑿
開混沌鍊石重補媧皇天吁咄此志竟蕩落叱咤狂吟動寥
廓蹀躞難追夏后龍璩矐羞舞羊公鶴攜瓢且上糟邱眠清
固中聖濁亦賢不妨張米同呼籲未必賀李真能仙纏腰但
得三百青銅錢嘲風謔月年復年紫裘紅袖紛踟躕柘枝檀
板快意聊復娛當前何須劉琨祖逖抵死爭先鞭哀樂多故
陶寫宜管絃一彈三歎知音可惜無成連只合騎鸞跨鳳追
偃佺攜將飛瓊弄玉同拍洪厓肩春波自漪漣碧草何芊緜
東門供祖帳南浦排離筵丈夫不灑臨歧淚當壚詎惜酩酊
醉得失休論秦楚弓笑談盡拔張韓幟無爲杞國獨憂天會
向長房學縮地

柳

蘭墅詩存 卷下

二四

爲誰憔悴爲誰妍一搦纖腰只自憐搖落桓温悲此日風流
張緒想當年有情莫向隋隄折無賴仍從漢苑眠安得神功
資九烈池塘衝破萬重烟

紅葉館卽席賦贈吉雲

高燒樺燭做瓊筵人在紅樓月在天作賦江南歸庾信移情
海上遇成連半生蝶夢曾醒否一曲驪歌倍黯然春水年年
波漾綠何時重醉墨川邊

百年能得幾回春此酒何如此日珍蓮社尋盟成雅集蘭亭
修禊接芳辰羊求可望開三徑元白還期作兩隣咫尺蓬萊
風引去河梁回首定霑巾

重贈吉雲

千歲樓卽席借栗香作

流水高山幾賞音爲君我欲碎瑤琴手攀柳陌千條盡情比

桃潭百尺深懸榻陳蕃餘悵望執珪莊烏動離吟他年江國
重逢日把臂何當竟入林

長岡君招飲卽席賦呈二律

今番又調川紫姑出來

錦泥障底玳筵開壇坫雍容數舉杯何氏山林延鄭杜梁園
賓客盡鄒枚慣從東國羣賢後曾預南岡雅集來可惜芳華
易遲暮留春無計任春回

滄溟浩浩盪塵胸域外心游物外蹤隨地榮枯憐小草倚天
磊落想長松君如日下荀鳴鶴我愧雲間陸士龍不朽全憑
經國業願焚筆硯早相從

春莫雜詠

浩蕩春光去若馳他鄉風物故鄉思魂銷蝶暖花香候腸斷
鶯飛草長時玉翦撩殘櫻片片金梭織盡柳絲絲年來儘有

蘭聖詩存

卷下

十五

無窮感我亦人間杜牧之

買醉聊傾金屈卮當筵正唱鷓鴣詞忽逢海國聯吟侶爲賦
江村卽事詩年去年來駒易逝花開花落鳥何知尋春莫待
春歸日辜負韶光悔已遲

窺臣幾度宋牆東如水流年一瞬中有約空留三徑月無情
最恨五更風飛揚柳絮漫天白零落桃花滿地紅載酒不須
過趙李年來嬾入綺羅叢

寄懷吉雲卽和元韻

無邊風月向誰邊咳唾居然落九天擊碎玉壺歌未已題殘
石鼎韻重聯探梅前度曾龜井問柳今番又鴨川聚散由來
如一夢夢中且賦小游仙

簡吟梅並示吉雲

送抱推襟得二賢，甘居黃後愧莊前。雅思投轄傾心久，敢謂
抽刀宰肉便。惠子名因濠濮著，留侯略要圯橋傳。只愁千頃
澄波阻楚越，吟成一惘然。

向島櫻花歌和粟香韻

向聞向島櫻花名，盼花尤盼花時晴。花魂夢夢花信晚，玉皇
不放花神行。一春多雨復多雪，三條廣陌遊人絕。芳辰集
蘭亭，賢勝侶徒招竹溪逸。墨江圖畫天爲開，忽然一夜融風
來。千苞萬萼競吐豔，綠隄錦繡紛成堆。初疑織女落佩霞，又
如瑤姬淨鉛華。山茶海棠黯無色，輿臺何論桃李花。此花可
惜，尠香氣不然。應壓花王貴，乃知美好實難兼。幽蘭自媚芝
稱瑞，今年我作櫻花歌。明年櫻花定若何，東方縱有花如海，
回首皇州春色多。

蘭聖詩存 卷下

七

精養軒卽席和長岡君韻

異域賢豪並世才，斯文一脈豈虛哉。不愁碧海蒼波阻，可奈
青春白日催。西土壯游君獨步，東台高會我重來。花開花落
尋常事，且對花枝醉幾回。

鳳文館題壁

龍威何處訪琅嬛，二酉山中別有天。羣玉盡歸毛氏閣，珍珠
穩坐米家船。直將孔壁遺經補，不患秦坑劫火燃。一自全書
藏四庫，崇如嶽峙浩如淵。

萬派爭分學海波，曹倉鄴架儘搜羅。已無劉向然藜校，可有
侯芭載酒過鳳閣。修書誰管領兔園，挾冊費編摩。掃除魚虎
談何易，聞說東方宿碩多。

題友人畫牡丹

選豔何曾到洛陽謾誇魏紫與姚黃全憑一管徐熙筆省識
花中自有王

多買臙脂枉逞妍生香活色妙天然白陽不作南田逝夢裏
誰將畫譜傳

長岡君招讌西川藩邸座有東國諸王卽席賦呈一律
故家喬木未蕭條絕似南塘第五橋閱閱金張綿累葉班行
岐薛冠當朝修樓此日宜題鳳入座同時並珥貂賓從皆賢
觴詠樂劇談風月趁良宵

倭刀歌贈錢少雲

倭刀犀利天下無吳鉤越董俱勿如風雲出匣龍虎嘯星斗
挂壁夔魘瞿鋼經百鍊柔繞指灌鏢錘鋒者誰子東方武庫
靈金飛紛紛霜電遺青紫提攜孰與奉明王拂拭幾曾逢烈

蘭墅詩存 卷下

七

士錢侯穎銳才絕倫批卻導窾新發劓亂絲斬盡手截鐵美
錦製就腰縮銀書來索我孟勞贈蒼波浩蕩遙投訊知君胷
有萬甲兵卽今九宇烽塵清渤海買犢方春耕七首奚取徐
夫人摩娑無迺深意要從橫海屠蛟鯨楚材晉用由來久
猶弓肅矢嗟何有晝磨盾鼻夜枕戈願以王鈇呈我后鼙鼓
先燃毋寡脂懸旌終決嘗歸首朱君安國名不虛王氏傳家
事豈偶賢豪自古遇合奇神物况足相扶持掃除狐兔掬羈
獬同仇敵愾非吾私噫吁嘻撐天突兀凌烟閣畫像徒思褒
與鄂亟殲三猾漢業成待鑄萬人吳膽落刀乎騰霄鎮嶽斯
其時毋效鳴鴻化鵲嬉

題方年丈食肉歎後

幾輩封侯由燕領何人入市識鳶肩朝歌未發明王夢陽武

空稱孺子賢方朔自譽聊復爾李充說士竟徒然不如且作
屠門嚼腹負將軍劇可憐

疊韻戲呈方年丈

微官久已羞雞肋壯士猶能陷彘肩徐掾銜盃聊中聖伊公
負鼎未妨賢文成効鼠胡爲者氣欲吞牛亦枉然一飯千金
何足報王孫應悔受人憐

卽席賦贈長岡宮島兩君

生平不讀絕交書海嶠棲遲苦索居照眼榴雲烘暖後關心
梅雨放晴初解齋舊設高人榻門巷新迎長者車尊酒不空
裙屐滿勝游便擬傲徐魚

難得羣賢其一堂竹林故事有山王

同座七人

西園慣作冠裳會

東海先開翰墨場此日醉鄉推祭酒他年香國拜平章論交

蘭墅詩存 卷下

七

傾蓋原非偶投轄家風肯便忘

題藍華軒東裝小影

變服誠非計乘桴良足歎已忘秦歲月誰識漢衣冠短後裁
何益長纓請亦難本來眞面目留取鏡中看
悵望麒麟閣重描蛺蝶圖鷓鴣容我變牛馬任人呼神似非
形似今吾失故吾襟裾原桎梏火急棄終繻
咄咄人間世休休物外遊眼前無主客皮裏有春秋越國庸
非贅登場便是優莫言裙屐好擺脫更風流

謝雨樵茂才枉贈長歌賦畝二律

絕唱蘭亭久寂寥一篇珠玉映清標焦桐餘響工題絹夢草
新詩抵報瑤同輩敢當元駿拜前塵肯讓阿龍超廬陵閣闕
宣城筆江左風流故未遙

超宗雅擅鳳毛譽驚座才名愧不如畫閣春風描蛺蝶清池
旭日映芙蓉門庭以內占宣鏡邱壑之間見幼輿悵望烏衣
良會遠豫章懸榻每慙余

墨江紀游四首并序

癸未新秋以宮島栗香之招薄游墨渚小飲紅樓盪
舟則十里而遙挾瑟則三女爲粲葛巾羽扇徘徊紫
閣峯前錦纜牙檣蕩漾碧波亭畔逮蘭橈之欲轉已
蓮漏之將沈主客圖成清平調就則有東山謝傅洛
詠偏工南國周郎吳趨差解疊鸞箋而寫韻吹鳳管
以賡歌吟杜子美之詩漢陂宛在擬王元長之序曲
水匪遙何須擊鉢而催聊作拋磚之引云爾

蘭墅詩存卷下

九

陰中日暗移打漿疑來桃葉渡扣舷爭唱柳枝詞鳴夷其載
原非偶羸得佳人雪藕絲

停橈散步墨江頭拾翠攜紅上畫樓塵尾頻揮霏玉屑蝦鬚
乍捲墮銀鈎已醒霧閣雲窗夢更作風亭月榭游八百松間
容嘯傲鷗絃一曲海天秋

披襟同坐快哉亭高踞胡床酌綠醪懷裏玉壺心可鑑眼前
錦瑟肉爲屏當年月府曾騎鶴此夕雷塘擬放螢羅袂微涼
添半臂碧天如水逗雙星

簫鼓中流發權歌蒲帆十幅疾如梭風裳水佩飄飄舉火樹
星橋歷歷過畫舫尙思游赤壁旗亭誰解唱黃河鴛湖煙雨
蓉湖月回首前塵感逝波

鷗夢樓卽席賦呈黎節使

泛綠依紅愧杲之銜盃許飲習家池中年謝傅陶絲竹故事
山公倒屣籬入座清風如有約懸香皓月本無私甘瓜朱李
尋常辦高會南皮彼一時

鷗夢樓卽席敬步節使原韻

夕照銜山月上天煙波極目思悠然士從魏晉多於鮪詩到
齊梁噪等蟬澄景漾成千尺練秋聲迸入四條絃不知何似
南樓宴其事其人要可傳

黎蓴齋節使以癸未九日招邀東園名流釐酒高會追
陪座末敬呈四律

文舉賓筵酒不空獨開壇坵大瀛東帽欹陶翰簪高土座暖
荀香挹令公前席曾吟牛渚月幾時眞遇馬當風子安才調
慚非匹兩國賢豪况座中

蘭墅詩存 卷下

三

金盤玉罍出郇厨清讌佳談興不孤應有白衣人送酒喜無
皂帽吏催租敦槃揖讓耆英會袞屐翩躚雅集圖憶否去年
憑眺日攜蓴共飲小西湖

風雨無端又滿城星霜屢易尙重瀛勝遊幸與龍山宴故事
空題雁塔名千里蓴鱸秋夢遠五湖稻蟹客心驚每逢佳節
增惆悵怕聽蕭蕭落葉聲

莫問他鄉與故鄉榻來隨處作重陽江關日暮楓林冷海國
風淒菊圃荒採藥可能逢葛叟題糕不敢笑劉郎登高望遠
情何限翹首雲天獨雁翔

九日書懷敬步節使原韻

秋來幾度破愁顏如水流年一瞬間月下泛舟遊墨渚風前
捲幔看青山龍城舊夢成追憶蝸國微名付等閒回首蓬萊

天咫尺曲江鷓鷯盡清班
野馬塵埃駒隙光鹽車何日遇孫陽攜來昔藉張植遠叙到
椒蘭屈珮芳對酒每懷彭澤令催詩誰是竟陵王寒砧木葉
秋蕭瑟海燕終思玳瑁梁

再疊節使原韻賦呈子聽年丈

採芝何必定商顏園綺高風伯仲間過眼光陰成逝水等身
著作壽名山搜來祕籍曹倉富賭罷圍棋謝墅問許向元亭
問奇字未容投筆竟同班

巋然魯殿賦靈光紙價多因貴洛陽絲竹後堂聊遣興蘅茝
空谷自流芳眼前人物傷青史皮裏春秋本素王欲挽狂瀾
滄海濶無端蠻觸又跳梁

得子聽年丈和詩疊韻奉會

蘭墅詩存 卷下

三

春風入座笑開顏肝膽先傾杯酒間太碧詩篇清似水昌黎
文筆重於山追隨鸞鳳庸非幸掎摭蟲魚不自閒篆刻由來
嗤小技敢將辭賦薄揚班

回首丁年觀國光 毅皇離照正當陽風迴蓬島花無賴日
掩橋陵草不芳每覽陳編懷管葛漫吟樂府擬張王處堂燕
雀徒相賀大厦於今要棟梁

子聽年丈以感事二律見眎次韻奉酬聊助張目

天威咫尺不違顏 廟勝師行衽席間宜有銅符徵下瀨斷
無玉斧界橫山椎牛浪泊軍鋒壯張讌崑崙土氣閒且夕王
常歸詣闕雲臺絕席耿吳班

歸義蒼梧溯趙光開藩作鎮重安陽珠厓議罷千言贊銅柱
名留百世芳何必助唐回紇騎豈容輕漢夜郎王請纓終繫

單于頸莫任西戎久陸梁

吟梅疊前九日唱和詩韻見示言外頗有微旨學步奉報

談笑風生一展顏論交幸在紀羣間相將聯袂來東海者莫
移文到北山車笠每嗟同志少簿書未許乞身閒綠楊明月
長容伴元白爲隣若是班
壇帖思爭上國光種花愧未徧河陽縱無好句酬佳節賴有
秋英殿眾芳把盞同爲千里客擁書便作百城王羨君獨啟
黃金屋甘嚙如膏擬柏梁

六疊韻倉子聽年丈

不獨才名並謝顏遠追鄴下近雲間探奇書盡東西壁招隱
文成大小山清興庾公原不淺多情陶令未妨閒匠門例合
收樵散斧削居然遇魯班

蘭墅詩存 卷下

三

是誰物色到嚴光未許披裘釣富陽忽奉簡書來絕域更貽
瓊佩賞孤芳心期御李兼師郭聲價前盧定後王欲嚇鸚鵡
憐腐鼠相逢一笑上濠梁

醉後遣懷七疊前韻

滿腔熱血暈醜顏太息虛生天地間未必胸中無五岳何曾
眼底有三山張華已恨風雲少陶侃翻憂歲月閒潦倒年來
成浪跡折腰斗米竟隨班

泡影驚心石火光酒徒誰是舊高陽遙知故國黃花老幾見

平原碧草芳投筆立功思介子誦詩流涕愧秦王

舅氏近爲
先集製

序沈痛
不忍讀處囊錐穎何時脫回首中州望大梁

八疊韻調吟梅

鍊就丹砂駐玉顏
數錢姪女想河間
已成蓬梗東西水
更採薜蘿上下山
入手忽驚瑁佩幻
畫眉肯放綵毫閒
秋風捐棄尋常事
團扇何須苦怨班

神女微舒皎月光
幾曾雲雨夢巫陽
薰蕕有臭何緣合
桃李無言亦自芳
顧影詎輸城北子
定情終嫁汝南王
營巢莫羨呢喃燕
雙宿雙棲在畫梁

昨旣六疊前韻賦呈子聽年丈醉後遣懷復成二律兼

以詩調吟梅士衡不患才多文通已覺思竭湘管乍
停蜀牋又賁孔明旣七縱而七擒敬仲迺三戰而三
北全軍皆墨降表亟修敢持布鼓於雷門聊奏饒歌

於烟閣

旗鼓如何敢抗顏
屢傳露布到行間
舉盃罰例依金谷
棄甲

蘭墅詩存

卷下

三

奔疑倒玉山
獨長騷壇牛耳大
暫收筆陣鼠鬚閒
受降築就城如鐵
秦系偏師火急班

武庫戈矛霜電光
軍容茶火耀朝陽
龍池得句聲華藉
麟閣論勳姓氏芳
柏直豈能當大將
張敖自昔號孱王
中原退辟甘三舍
納地何妨盡解梁

吟梅以詩枉贈稱道過情疊韻酬

一讀新詩一汗顏
是何足置齒牙間
乞符差類葛勾漏
載酒徒思元魯山
桴鼓不鳴非吏健
琴書可樂是官閒
無雙才調慚江夏
幸許同心訂尹班

泛舟曾詡載夷光
投果何妨到孟陽
桃葉迎來歌婉轉
梅花賦就句芬芳
總持風雅郎官鄭
眞箇逍遙處
土王况有西江宗
派在傳衣頂禮藝都梁

十一疊前韻畚呈節使

雕畫眞同孔鑄顏春風如坐杏壇間
早紆籌策匡君國豈獨文章重
斗山滾滾江河誰與挽皇皇原隰幾曾閒
不才愧乏陳琳筆忝列青州從事班

珠盤玉敦挹餘光撫髀驚心日載陽
南服元黃方苦戰東瀛紅紫又騰芳
升堂幸遇橋公祖入幕應慙顧野王
盾鼻欲磨猶未得徒開講舍仿劉梁

卽席賦贈副島長岡宮島暨同座諸君子

江鄉朋舊悵離羣絕域樓遲每望雲
偶向座間延十友翻從海外遇三君
揮豪寫韻風徐引把盞論文日易曠
時局不須多感慨南交聞已盪妖氛

長岡公使招飲卽席賦贈

蘭聖詩存

卷下

三

殘春風雨鬧連宵兀坐衙齋苦寂寥
正擬攜觴同命嘯忽聞折簡遠招邀
柳條綠縮雕鞍住花影紅隨畫燭搖
如此良辰逢勝友惜無佳句報瓊瑤

使君物望著東朝文采風流冠百僚
兩國賢豪推月旦九天咳唾奏雲韶
論交我愧周公瑾修好誰爲鄧伯苗
且盡杯中拚一醉填胸塊壘可能銷

次韻答宮島栗香

濯濯柳翻風燦燦櫻飛雪韶景旣足娛
高宴况備物鄉味性所甘清言骨俱徹
穆如諧笙簧翁若張琴瑟宜聯二國歡
莫歎雙丸瞥何當駕六鰲手揭滄洲日

題贈露香女史

瓊林玉樹想風姿媚嫵非徒善畫眉
黃絹色絲題句處青綾

步障解圍時香留粉本描皆令筆擅簪花仿仲姬尺幅瀟湘
收拾得不須九畹寄遐思

子聽年丈以咏櫻四截見眎依韻奉和

縞袂臨風險襯霞靈妃初降玉皇家嫣紅姪紫都無色此是
東方第一花

千枝競秀萬蔕攢如入山陰道上看應羨化工裁翦妙堆成
錦繡擲成團

未分賈氏一奩香慣學徐妃半面妝祇恐芳華搖落易游蜂
冶蝶太猖狂

金縷歌殘畫閣春惜花心事語花神天桃禮李非吾偶願與
逋仙作後塵

子聽年丈成詠綠櫻二律摘艷薰香足爲是花生色復

蘭墅詩存 卷下

三

作長句和之

一夕天風下碧虛蓋珠宮裏散花初覆庭蕉葉心猶捲隔院
楊枝眼並舒疎影亂搖蒼玉佩嘉名肇錫綠綈書雲章許向
通明奏金紫銀靑總不如

恍從南浦蘸春波別恨無端上翠蛾色借鴨頭鬢薄染光分
鸞羽鏡新磨嫩芽疑自藍田茁濃陰何如綠野多卻愛綺窗
人靜後花間軟語聽鸚哥

先伯兄天資穎特束髮受書過目成誦少更喪亂年十二陷於髮逆流離轉徙者數年乃得脫歸下筆爲文洋洋數千言長老無不歎異弱冠後遭先大夫之喪家徒壁立橐筆四方西航歐洲東涉扶桑走三韓歷畿輔筮仕三湘大府交章特薦最後入都贊襄戎政遂以監司膺

既已見用於時使得敷歷仕途發抒蘊蓄固不患無所成就卽不然而致身清要覃精著述肆其才力亦必上躋於古作者之林無如天不假年中道摧沮旣不克竟其志事又以奔走飢驅半生道長卽此文辭之美亦未獲從容醞釀以底於成嗚呼有才如此天旣生之而卒厄之果何爲者耶兄所爲駢體古文才思橫溢義法謹嚴多卓然可傳生平不自收拾

蘭墅詩存跋

一

削橐輒棄去所存僅數十篇藏於家古近體詩不多作曩隨黎蓴齋星使子役東瀛寶朋唱酬兼徵舊作寫成是帙上卷多少作下卷則當時酬答之什也兄意以爲不足存藏之篋衍不欲示人今距兄之歿忽忽七八年矣風塵瀕洞時事多虞撫茲遺墨兢兢焉惟不克典守是懼敬承兄志校刊先集並以是卷付之梓人雖非兄之本意而吉光具在亭帚可珍區區私心或不爲有道所呵斥且使稔吾兄者知其生平政事文章皆有未盡之緒則伯兄爲不死矣殺青旣竟爰流涕而書之光緒丙午三月同懷弟允豫謹跋

